

STATÜTS

da la società Chastè da Cultura

I. Nom / lö da domicil

1. La società Chastè da Cultura es üna società tenor il sen da l'art. 60 seg. CC cun domicil i'l cumün Val Müstair (in seguit nomnà società).

II. Mera

2. La mera da la società es la promoziun da la cultura e quai in prüma lingia aint il Chastè da Cultura (veglia chasa da scoula da Fuldera), chi appartegna al cumün. Il Chastè da Cultura less gnir tut vaira sco lö da cultura e d'inscunter.

III. Activitats da la società

3. La società organisescha occurenzas culturalas, sco rapreschantaziuns da teater, concerts, prelecziuns o exposiziuns e prouva da resguardar scha pussibel l'art e la literatura indigena.
4. Il Chastè da Cultura sta implü a disposiziun eir ad otras societats e personas privatas per cuors, workshops, seminars e per arrandschamaints culturalas.

IV. La società es d'interess public e nu perseguitescha böts commercials.

V. Commembranza

5. La società da promoziun consista our da commembers e commembers fautuors.
6. Commembers singuls pajan üna contribuziun da fr. 30.-, conjugals e famiglias fr. 50.- e fautuors ün import d'almain fr. 200.-. Tuot ils commembers vegnan infuormats successivmaing dals arrandschamaints actuals ed han il dret sün entradas redottas.
7. La commemoranza cumainza cun üna decleranza in scrit o a bucca es effetuada ed in pajond la quota annuala.

8. Ün'eventuala demischiun succeda tras üna demischiun in scrit per la fin da l'on ed in resguardond il termin da desditta da trais mais. L'import curraint da commembranza resta debit. La suprastanza as piglia il dret da strichar ils commembers/-bras chi nun han pajà da la glista da commembers.

VI. Organisaziun

9. Id existan ils seguaints organs da società:

- la radunanza da la società
- la suprastanza
- il presidi
- il post da revisiun

L'on da gestiun correspuonda a l'on da chalender

10. La radunanza da la società

La radunanza da la società vain bannida üna jada l'on da la suprastanza e quai in scrit. La bannida cuntegna las tractandas e sto gnir tramissa almain 15 dis avant la radunanza. Ella decida da far bun il rapport da l'on, il quint da l'on ed il rapport dal post da revisiun, sco eir da dar dis-charg a la suprastanza. La radunanza elegia la suprastanza ed il post da revisiun.

Müdamaints dals statüts ston gnir decis cun üna majorità da duos terzs da la radunanza da la società.

11. La suprastanza

La suprastanza as cumpuona da 3 - 5 commembers. Ella as constituescha sves e tscherna ün president o üna presidenta, ün(a) actuar(a) ed ün(a) chaschier(a). Ils suprastants vegnan tschernüts pella dürada da 2 ons, lur reelecziun es adüna pussibla.

12. Il president / la presidenta

Il president /la presidenta maina ils affars curraints da la società e fa almain quatter jadas l'on üna sezzüda culs suprastants. El/ella rapreschainta la società vers inoura. La fin da l'on da gestiun dà el/ella gio ün rapport in scrit a man da la radunanza generala.

13. Il post da revisiun

Il post da revisiun examinescha il quint da l'on da la società e preschainta quel in fuorma d'ün rapport ed üna dumonda da dis-charg.

Il post da revisiun vain confermà o tschernü mincha duos ons danövmaing.

VII. Respunsabilità

14. Pel oblig da la società stan bun unicamaing las contribuziuns dals commembers/-bras e la facultà da la società.

VIII. Scholta da la società

15. In cas cha la società vain scholta esa da surdar la facultà effectiva restanta ad ün'instituziun cun similis böts.


Fuldera, ils 27.03.2014

Società Chastè da Cultura

Il president:

l'actuara:


Aldo Rodigari


Anja Gaudenz